

Feriening Frysk Underwiis  
Drs. S.T. Hiemstra  
G. Sondermanstrjitte 29  
9203 PT DRACHTEN

Briefnûmer: 050113.02

Datum : 13 jannewaris 2005

Underwerp : taalnoarm Omrop Fryslan

Achte Hiemstra,

Tank foar jo brief fan 2 desimber ll., mei jo reaksje op myn bydrage yn it maart-nûmer fan "Each en Ear".

Jo bringe hiel wat saken op it aljemint. Mei guon opmerkings bin ik it wol iens, op oare punten ha ik in oare miening. Ik ha besocht dat op de jûn fan de Bewegingsried noch ris ta te ljochtsjen. Ik leau net dat it doel hat om skriftlik wiidweidich op jo opmerkings yn te gean. Ek sjoch ik net folle heil yn in 'iepen petear' mei de FFU oer ditsoarte saken.

It taalbelied by de Omrop is net statysk mar aloan yn beweging, en basearre op in tal útgongspunten. Dy binne opsteld yn oparbeidzjen mei saakkundigen op dit mêd, fan binnen en bûten de Omrop. Ien en oar is fêststeld troch haadredaksje en bestjoer en hat ek de ynstimming fan de Ried fan Offear-digen, it orgaan dat neffens de Mediawet ferantwurdlik foar de fêststelling fan it programmabelied is.

It is ús der net om te dwaan dat elk yn Fryslân it mei ús opstelling iens is, de FFU kin der best oars oer tinke. Foarlopich ha wy de hannen fol oan it stal jaan oan ús ambysjes mei it Frysk taalgebrûk. De foarbylden dêr't jo mei komme, - ik wit der noch folle mear-, jouwe oan dat wy der noch lang net binne. Der is yndied noch hiel wat te ferbetterjen en jo kinne der fan op oan dat de Omrop der serieuus mei dwaande is.

Graach woe ik de FFU sukses tawinskje mei har haadtaak, nei ik oannim is dat it ferbetterjen fan it Frysk yn it ûnderwiis. Dêr sil op termyn de Omrop ek baat by hawwe.

Freonlik groetsjend,  
**Omrop Fryslân**



Rein Tolsma  
Adjunkt-haadredakteur

PS : ús stylboek is net "geheim" mar foar yntern gebrûk. Ik ha de meidoggers ek gjin tastimming frege foar publikaasje. Om't jo der grutte belangstelling foar ha, hjirby in eksimplaar. Mei it fersyk dat net sûnder tastimming fierder út te suteljen.